



Broj: 01/1-45- /24
Bihać, 4.11.2024.godine

ZAPISNIK
sa 22. redovne sjednice Skupštine Unsko-sanskog kantona
održane dana 4.11.2024.godine

22. redovna sjednica Skupštine Unsko-sanskog kantona održana je dana 4.11.2024.godine (ponedjeljak) s početkom rada u 10,00 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Na sjednici je prisutno 28 zastupnika.

Odsutni su: Amir Murić i Azhar Sejarić.

Zikrija Duraković, predsjedavajući Skupštine Unsko-sanskog kantona, pozdravio je sve prisutne i zamolio da se sa minutom ćutnje oda počast tragično nastradalom policijskom službeniku u Bosanskoj Krupi. Nakon minute ćutnje, predsjedavajući Skupštine upoznao je prisutne da je Kolegij Skupštine utvrdio dnevni red 22. redovne sjednice Skupštine Unsko-sanskog kantona na osnovu materijala koji su se nalazili u Skupštini. On je također naglasio da u poslovničkom roku nisu zaprimljeni zahtjevi za dopunu dnevnog reda, te da nema zahtjeva za razmatranje materijala po skraćenom ili hitnom postupku.

Zatim je predsjedavajući Skupštine pročitao:

Dnevni red

1. Zapisnik sa 21. redovne sjednice,
2. Poslanička pitanja,
3. Prijedlog Strategije poljoprivrede i ruralnog razvoja Unsko-sanskog kantona za period 2023.-2027.godine,
4. Prijedlog Odluke o izmjeni Odluke o organizaciji i načinu obavljanja taksi prijevoza putnika na području Unsko-sanskog kantona,
5. Izvještaj o radu i finansijskom poslovanju JU „Služba za zapošljavanje Unsko-sanskog kantona“ Bihać za 2023.godinu,
6. Izvještaj o radu i finansijskom poslovanju za 2023.godinu JU „Socijalno-pedagoška životna zajednica“ Bihać,
7. Izvještaj o radu JU „Veterinarski zavod“ Bihać za 2023.godinu,
8. Izvještaj o realizaciji kantonalnih i federalnih novčanih podrški u primarnoj poljoprivrednoj proizvodnji za 2023.godinu,
9. Izvještaj o radu Komisije za koncesije Unsko-sanskog kantona za 2023.godinu.

RASPRAVA I ODLUČIVANJE PO UTVRĐENOM DNEVNOM REDU

Ad.1.

Zapisnik sa 21. redovne sjednice

Predsjedavajući Skupštine je otvorio raspravu po Zapisniku sa 21. redovne sjednice.

Učešće u diskusiji uzela je zastupnica Elvira Abdić Jelenović koja je naglasila da nije dobila poziv na zadnje dvije sjednice Skupštine Unsko-sanskog kantona na svoju e-mail adresu, a s obzirom da je Služba Skupštine zadužena da osigura uvjete za ostvarivanje prava i dužnosti svakog poslanika, od iste traži da provjeri razloge nedostavljanja poziva.

Predsjedavajući Skupštine je izrazio žaljenje zbog nastale greške i naglasio da će Služba Skupštine Unsko-sanskog kantona ukloniti sve navedene nedostatke.

Nakon zatvorene rasprave, sa 26 glasova »za«, bez glasova »protiv« i 1 glasom »suzdržan« Zapisnik sa 21. redovne sjednice dobio je potrebnu većinu.

Ad.2.

Poslanička pitanja

Poslanička pitanja postavili su: Asmir Ćufurović, Aida Pašić, Irma Fatkić, Hajrudin Halilović, Emir Dautović, Fatka Kulenović, Elvir Risović, Nijaz Kadirić, Nisvet Jusić i Sanil Hasić.

(Sjednici Skupštine pristupio je Azhar Sejarić, zastupnik u Skupštini Unsko-sanskog kantona.)

Nakon postavljenih poslaničkih pitanja, usmene odgovore dao je Denis Osmankić, ministar Ministarstva obrazovanja, nauke, kulture i sporta i Nijaz Hušić, premijer Unsko-sanskog kantona.

Ad.3.

Prijedlog Strategije poljoprivrede i ruralnog razvoja Unsko-sanskog kantona za period 2023.-2027.godine

Izvjestilac:

- Mehmed Ćenanović, ministar Ministarstva poljoprivrede, vodoprivrede i šumarstva,
- Profesor Sabahudin Bajramović, ispred Centralnog tima za sačinjavanje Strategije.

Ispred radnih tijela:

- Azhar Sejarić, predsjedavajući Komisije za poljoprivredu, vodoprivredu, šumarstvo i ruralni razvoj,
- Asmir Ćufurović, predsjedavajući Komisije za budžet, ekonomsku i finansijsku politiku,
- Aida Pašić, predsjedavajuća Komisije za pravdu, ljudska prava, građanske slobode i jednakopravnost spolova.

Učešće u diskusiji uzeli su: Elvira Abdić Jelenović, Asmir Ćufurović, Irma Fatkić i Fatka Kulenović.

Nakon zatvaranja diskusije, profesor Sabahudin Bajramović odgovorio je na postavljena pitanja zastupnika.

Sa 22 glasa »za«, bez glasova »protiv« i 1 glasom »suzdržan«, Skupština Unsko-sanskog kantona usvojila je Prijedlog Strategije poljoprivrede i ruralnog razvoja Unsko-sanskog kantona za period 2023.-2027.godine.

Ad.4.

Prijedlog Odluke o izmjeni Odluke o organizaciji i načinu obavljanja taksi prijevoza putnika na području Unsko - sanskog kantona

Izvjestilac: Almir Smajić, pomoćnik ministra Ministarstva privrede.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija.

Učešće u diskusiji uzela je zastupnica Fatka Kulenović.

Nakon zatvorene diskusije, Almir Smajić odgovorio je na postavljena pitanja.

Sa 15 glasova »za«, bez glasova »protiv« i 8 glasova »suzdržan«, Skupština Unsko-sanskog kantona nije usvojila Prijedlog Odluke o izmjeni Odluke o organizaciji i načinu obavljanja taksi prijevoza putnika na području Unsko-sanskog kantona.

Nakon glasanja, podnesen je zahtjev za pojedinačnim izjašnjavanjem zastupnika.

Prije samog zaključivanja pojedinačnog izjašnjavanja zastupnika u Skupštini Unsko-sanskog kantona u salu Skupštine su ušli sljedeći zastupnici: Emir Šabić, Mehmed Mahmić i Aida Pašić, koji su se izjasnili o predloženom materijalu, nakon čega je Sekretar Skupštine ustanovila da je Prijedlog Odluke o izmjeni Odluke o organizaciji i načinu obavljanja taksi prijevoza putnika na području Unsko-sanskog kantona dobio potrebnu većinu sa 17 glasova »za«.

Ad.5.

Izveštaj o radu i finansijskom poslovanju JU „Služba za zapošljavanje Unsko-sanskog kantona“ Bihać za 2023.godinu

Izvjestilac: Emir Toromanović, v.d. direktora JU „Služba za zapošljavanje Unsko-sanskog kantona“ Bihać.

Ispred radnih tijela:

- Asmir Ćufurović, predsjedavajući Komisije za budžet, ekonomsku i finansijsku politiku,
- Zikrija Duraković, u ime Komisije za zdravstvo, boračka pitanja, rad i socijalnu politiku.

Učešće u diskusiji uzeli su: Fatka Kulenović i Nisvet Jusić.

Nakon zatvorene diskusije, Emir Toromanović je naglasio da će odgovore na postavljena pitanja zastupnika blagovremeno dostaviti u pisanoj formi.

Po Poslovniku za riječ se javio zastupnik Nisvet Jusić koji je konstatovao, da traži odgovor u pisanoj formi, te je naglasio da bi u okviru razmatranja materijala koji se nalaze na dnevnom redu sjednice Skupštine, izvjestioci trebali odmah dati odgovore na postavljena pitanja zastupnika.

Sa 17 glasova »za«, bez glasova »protiv« i 7 glasova »suzdržan«, Izvještaj o radu i finansijskom poslovanju JU „Služba za zapošljavanje Unsko-sanskog kantona“ Bihać za 2023.godinu, dobio je potrebnu većinu.

Ad.6.

Izvještaj o radu i finansijskom poslovanju za 2023.godinu JU „Socijalno-pedagoška životna zajednica“ Bihać

Predsjedavajući Skupštine je konstatovao, da u sali Skupštine nije prisutan izvjestilac ispred JU „Socijalno – pedagoška životna zajednica“ Bihać.

Ispred radnih tijela:

- Asmir Ćufurović, predsjedavajući Komisije za budžet, ekonomsku i finansijsku politiku,
- Rusmira Konjević, zamjenica predsjedavajućeg Komisije za zdravstvo, boračka pitanja, rad i socijalnu politiku.

Predsjedavajući Skupštine upoznao je zastupnike da je u Službi Skupštine zaprimljen podnesak JU „Socijalno-pedagoška životna zajednica“ Bihać kojim obavještavaju Skupštinu da direktor navedene ustanove neće prisustvovati 22. redovnoj sjednici Skupštine Unsko-sanskog kantona, zbog korištenja godišnjeg odmora.

Po Poslovniku za riječ se javio zastupnik Nisvet Jusić koji je konstatovao, da predmetni materijal treba biti povučen sa dnevnog reda, obzirom da nema izvjestioca i da bi se isti trebao razmatrati na nekoj od narednih sjednica.

Shodno navedenom, predsjedavajući Skupštine je naglasio da je predmetni materijal dostavljen ispred Vlade Unsko-sanskog kantona, te da isti može biti povučen samo od strane premijera Unsko-sanskog kantona kao predlagača materijala, a zatim je otvorio raspravu po predmetnoj tački dnevnog reda.

Učešće u diskusiji uzeo je zastupnik Šuhret Fazlić.

Bez glasova »za«, 2 glasa »protiv« i 21 glas »suzdržan«, Izvještaj o radu i finansijskom poslovanju za 2023.godinu JU „Socijalno-pedagoška životna zajednica“ Bihać, nije dobio potrebnu većinu.

Ad.7.

Izvještaj o radu JU „Veterinarski zavod“ Bihać za 2023.godinu

Izvjestilac: Edin Goretić, v.d direktora JU „Veterinarski zavod“ Bihać.

Ispred radnih tijela Skupštine:

- Asmir Ćufurović, predsjedavajući Komisije za budžet, ekonomsku i finansijsku politiku.

Nakon otvorene rasprave, nije bilo prijavljenih za diskusiju.

Sa 18 glasova »za«, bez glasova »protiv« i 6 glasova »suzdržan«, Izvještaj o radu JU „Veterinarski zavod“ Bihać za 2023.godinu, dobio je potrebnu većinu.

Ad.8.

Izvještaj o realizaciji kantonalnih i federalnih novčanih podrški u primarnoj poljoprivrednoj proizvodnji za 2023.godinu

Izjestilac: Mehmed Čenanović, ministar Ministarstva poljoprivrede, vodoprivrede i šumarstva.

Ispred radnih tijela Skupštine:

- Asmir Ćufurović, predsjedavajući Komisije za budžet, ekonomsku i finansijsku politiku,
- Azhar Sejarić, predsjedavajući Komisije za poljoprivredu, vodoprivredu, šumarstvo i ruralni razvoj.

Učešće u diksusiji uzela je zastupnica Irma Fatkić.

Sa 18 glasova »za«, bez glasova »protiv« i 9 glasova »suzdržan«, Izvještaj o realizaciji kantonalnih i federalnih novčanih podrški u primarnoj poljoprivrednoj proizvodnji za 2023.godinu, dobio je potrebnu većinu.

Ad.9.

Izvještaj o radu Komisije za koncesije Unsko - sanskog kantona za 2023.godinu.

Prije izlaganja izvjestioca, predsjedavajući Skupštine je zamolio zastupnike da po završetku predmetne tačke ostanu u Sali Skupštine, radi obilježavanja svečanog protokola.

Izjestilac: Asmir Crnkčić, član Komisije za koncesije Unsko-sanskog kantona.

Ispred radnih tijela Skupštine:

- Zikrija Duraković, zamjenik predsjedavajućeg Komisije za budžet, ekonomsku i finansijsku politiku,
- Azhar Sejarić, predsjedavajući Komisije za poljoprivredu, vodoprivredu, šumarstvo i ruralni razvoj.

Učešće u diksusiji uzeo je zastupnik Nisvet Jusić.

Predsjedavajući Skupštine je zatvorio raspravu po predmetnoj tački dnevnog reda.

Nakon zatvaranja rasprave, za riječ se javio zastupnik Nisvet Jusić koji je zamolio da Služba Skupštine uputi pitanja na koja nije dobio odgovor na sjednici, a za koja su izvjestioci rekli da će dostaviti pismene odgovore.

Asmir Crnkčić, član Komisije za koncesije Unsko-sanskog kantona, odgovorio je na postavljena pitanja.

Sa 21 glasom »za«, bez glasova »protiv« i 7 glasova »suzdržan«, Izvještaj o radu Komisije za koncesije Unsko-sanskog kantona za 2023.godinu, dobio je potrebnu većinu.

Predsjedavajući Skupštine upoznao je prisutne da je zastupnik Jasmin Musić na proteklim Lokalnim izborima izabran na poziciju općinskog načelnika Općine Ključ, te mu je u svoje lično ime i u ime svih skupštinskih zastupnika uputio iskrene čestitke, te poželio puno sreće i uspjeha u budućem radu.

Nakon upućenih čestitki, prisutnim u sali obratio se i Jasmin Musić.

S ovim je završena 22. redovna sjednica Skupštine Unsko-sanskog kantona.

Sekretar Skupštine
Unsko-sanskog kantona
Dragana Bajrić, dipl.pravnik

Predsjedavajući Skupštine
Unsko-sanskog kantona
Zikrija Duraković
